

1. Бабаева А. Г. В кн.: Цитологические механизмы гистогенезов. 242—244. М., 1979.
2. Бахшиян М. З., Ноздрин В. И. Биолог. ж. Армении, 34, 1, 55—58, 1981.
3. Бахшиян М. З., Ноздрин В. И., Азнаурян А. В. Журн. exper. и клинич. мед. 19, 5, 19—25, 1979.
4. Бахшиян М. З., Ноздрин В. И., Азнаурян А. В. Журн. exper. и клин. мед. 20, 2, 143—146, 1980.
5. Уайт А., Хендлер Ф., Смит Э., Хилл Р., Леския Н. Основы биохимии. 3, 1759, М., 1981.

«Биолог. ж. Армении», т. XXXVI, № 5, 1983

ԳԵՏԵԻԹՅԱՆ ՊԱՏՄՈՒԹՅՈՒՆ

ՄԵՂՐԻ ԵՎ ՄԵՂՐԱՄՈՄԻ ՕԳՏԱԳՈՐԾՈՒՄԸ ՄԻՋՆԱԴԱՐՅԱՆ ՀԱՅ ԲԺՇԿԱՊԵՏ ՄԽԻԹԱՐ ՀԵՐԱՑՈՒ ԳԵՂԱՏՈՄՍԵՐՈՒՄ

Ա. Օ. ԴԱՍՊԱՐՅԱՆ

Հոգվածում, ձեռագրերի հիման վրա, ներկայացված է մեղրի և մեղրամոմի բուժական կիրառությունը՝ միջնադարյան հայ բժշկապետ Մխիթար Հերացու ղեղատոմսերում: Տարիների մեր պրպտոմսերի շնորհիվ գտնվել ու օգտագործվել են այդ ղեղատոմսերում առաջարկված բույսերը, ծաղիկները, արմատներն ու այլ նյութեր, որոնք մեղրի և մեղրամոմի հետ կիրառվելով կյանքում՝ ժողովրդական բժշկության մեջ տվել են բավական լավ արդյունք:

Բանալի բառեր. միջնադարյան ղեղատոմսեր, մեղր, մեղրամոմ:

Հին և միջնադարյան հայ ժողովրդական բժշկության մեջ որպես ղեղամիջոց, երբեմն առանձին, երբեմն էլ ուրիշ նյութերի հետ, ղեղատոմսերում օգտագործվել է նաև մարդու փոքրիկ բարեկամի՝ մեղվի արտադրանքը՝ մեղրն ու մեղրամոմը, հաճախ էլ մեղվաթույնը: Ինչպես վկայում են գրիչներն ու ժողովրդական բժիշկները՝ այն միշտ էլ բարեբար ազդեցություն է ունեցել հիվանդի առողջական փիճակի վրա:

Մինչև XII դարը մեր ձեռքի տակ չենք ունեցել այնպիսի մեծածավալ աղբյուրներ, որոնցում մանրամասն շարադրված լիներ մեղվի տված բարիքների կիրառումը բժշկության մեջ, թեև մինչև այդ Հայաստանում գոյություն են ունեցել բժիշկներն ու հիվանդանոցներ, ինչպես նաև՝ բժշկություն, որոնց մասին վկայում է քերթողահայրը [1, էջ 279]:

Այժմ Մեսրոպ Մաշտոցի անվան Մատենադարանում մոտ ութ հարյուր ձեռագիր բժշկարաններ կան, որոնցում հանդիպում ենք մեղրի, մեղրամոմի և մեղվաթույնի բաղադրությամբ ղեղատոմսերի: Այդ ձեռագրերից հնագույնը, որտեղ խոսվում է բժշկության մեջ մեղվի արտադրանքի կիրառման մասին, XII դարի բժշկապետ Մխիթար Հերացու «Ջերմանց մխիթարություն» գիրքն է՝ գրված 1184 թվականին: Չեռագիրը հրատարակվել է 1832 թ., Վենետիկում, նույն խորագրով, որն այժմ պահվում է Մատենադարանի ձեռագրանում՝ 416 համարի տակ: Ութ հարյուր տարի առաջ բժշկության պատմության մեջ առաջինը եղել է բժշկապետ Մխիթար Հերացին, որն առաջարկել է պարզել, թե տվյալ հիվանդությունն ինչից է առաջացել, պարզել նրա պատճառները, այ-

սիրն* ախտորոշել հիվանդութիւնը, հետո միայն սկսել բուժումը: Հենց այդպէս էլ նա ուսուցանել է գալիք սերունդներին:

Իր դրբում Մխիթար Հերացին առաջարկում է զանազան հիվանդութիւններին դեղատոմսեր, որոնց մի զգալի մասի բաղադրութեան մեջ անպայման մտնում են մեղրն ու մեղրամոմը: Այսպէս, փորկապութեան, փորացավի, գրէխացավի, այտուցման, ջերմերի, դանաշան վերքերի, լյարդի, երիկամների և այլ հիվանդութիւնների դեպքում մեղվի արտադրանքը այս կամ այն համամասնութեամբ մտնել է դեղատոմսերի մեջ, մի բան, որը, հաճախաբար, առնչութիւն ունի ժողովրդական բժշկութեան հետ և կիրառւում է մինչև օրս:

Մինչ իր դրբը գրելը՝ Մխիթար Հերացին քաջատեղեակ է եղել Պոքիւրուրի, Արիստատելի, Քաղիանոսի և էլի շատ ուրիշների բժշկական արվեստին, որոնց անունները վկայակոչում է իր դեղատոմսերում գրելով՝ «Գաղիանոս յիշէ», «Ջաբարիան ասէ», «Մասուսին ողդին ասէ», «Բագարատ ասէ» և այլն: Մխիթար Հերացին, ուսումնասիրելով այդ աշխատանքները, միաժամանակ բազմաթիւ փորձերի միջոցով գրել է հազարից ավելի դեղատոմսեր: Օրինակ՝ հարվածի հետեանքով առաջացած այտուցը բուժելու համար Մխիթար Հերացին առաջարկում է օգտագործել մեղրամոմ. «Մոմ ձիթով հանապաղ օծանէ և հանապաղ կղկ ջրով ծեփէ. և առ գարն ալուր, և հուլպայ՝ որ է հացհամեմի ունդ, և տուլտ. դայս դամէնս աղա և մաղէ, և շնխաղողի ջրով շաղէ, և ի վերայ դիր» [2, էջ 75]: Իսկ իրոք, երբ ընկնելու կամ հարվածի հետեանքով մարդու մարմնի որևէ մասն այտուցվում է, այն անմիջապէս իջնում է, եթէ վրան դնում են մոմի, հացհամեմի սերմի, տուղտի, շնխաղողի ջրի և գարն ալյուրի շաղախը:

Մրսելու հետեանքով առաջացած մեկօրյա ջերմութիւնն իրոք, որ շատ հեշտ և արագ անցկացնում է գարեջրի, եփած մաղաղանոսի արմատի, սամիթի արմատի կեղևի, մեղրի ու քացախի խառնուրդը. «Լեպա թե ի կարիք հասնի, դարեջուր տուր, եփած կարոսի տակ, և ըռաղիանի տակի կեղև՝ նուկի մի մեղրի սրննուպինով» [2, էջ 82]:

Մխիթար Հերացին պալղամի դեմ որպէս ըմպելիք առաջարկում է. «Առ միլլորաջուր և ընդ դուֆ ալն խառնէ և տուր» [2, էջ 86]: Մեղրաջուրն ու խնկաբեր թուփը մաքրում են լորձային արտադրութիւնը:

Կապի պատճառով առաջացած փորացավի դեմ Հերացին հանձնարարում է. «Առ մեղր և աղ և ճակնդեղի ջուր, և ընդ ներքոյ ի բան տար՝ օգտակար է» [2, էջ 87]: Սա պալղամի հուկնայ է, որն իրոք օգնում է: Կապի դեպքում օգնում է նաև ճակնդեղի 150 գ հյութի մեջ լուծված մեկ թէյի գդալ մեղրը:

Գլխացավի ժամանակ Հերացին խորհուրդ է տալիս եփել խնկաբեր թուփն ու դադը և խմել մեղրաջրով. «Առ սակաւ մի դուֆայ և սակաւ մի լերին դաղձն՝ որ է քարաննուխն, դայսոնք եփէ մեղրաջրով, և քամէ և տուր որ խմէ» [2, էջ 100]: Այն արագ անցկացնում է գլխացավը:

Մեղրով պատրաստած փափուկ դեղ է առաջարկում արչունախառն լորձային լուծը դադարեցնելու համար՝ դադը, քարալուզը, կղմուլը, երկար սղպակը, սմպուլը մեղրով շաղել, տալ մաղաղանոսի ջրով. «Առ անանուխ և քորաւէ կոթն-կոթն դրամ, դարապղպեղ երեք դրամ. դանճապիլ չորս դրամ. սումպուլ տասն դրամ. դայս դամէնս աղա և մաղէ, և յիստակած մեղրով շաղէ և տուր կարօսի ջրով: Բայց ի նոպայի օրն մի տար» [2, էջ 118]: Միաժամանակ դգուշացնում է, որ դեղամիջոցը չի կարելի տալ ցավերի նոպայի ժամանակ:

Մխիթար Հերացու դեղատոմսերում տեղ է գտել նաև սևտայի սպեղանին: Ծթե հիվանդը ծեր է և այրվող ցավերով տաքություն ունի, ապա պետք է տալ՝ վարդը մեղրով, ձուլթը և դաղձը, իսկ որպես խմիչք՝ մեղրաչուրը [2, էջ 188]:

Կոլնջի հիվանդության, ինչպես նաև ամեն տեսակ մաղձի դեմ, առաջարկված լավագույն բուժամիջոց է գինու մեջ եփած սերկեիլի կամ խնձորի հյութը, եփած և փրփուրն առած մեղրի խառնուրդը. «Առ սերկեիլ կամ խնձոր, կտրէ և եփէ գինւով. ծեծէ՝ որ ընդ մաղն ի վայր ելնէ, դրամակշեռ երեք հարիւր. առ մեղր և եփէ, և գութրն առ վեցհարիւր դրամակշիռ» [2, էջ 148]: Կյանքում այն կիրառել են և գոհ մնացել:

Բերանի, ստամոքսի, աղիքների ցավերի դեպքում խորհուրդ է տրվում արմավի ու քացախի խառնուրդի հյութը, մեղրի, կղմուխի, նուշի, սադաֆի հետ. «Առ ամրաւ ընտրած վաթսուն դրամ, լից ի վերայ բարակ քացախ գինւոյ վաթսուն դրամ, մեկ օրից ձեռքդ աճե՛, վաղէ, և քանի զիր չաքդ՝ սպիտակ մեղր, և դանշապիլ, սատափի տերև, նուշ, չորս-չորս դրամ մաւետրի և յաման դիր...»: Ցաւերի ժամանակ հանձնարարում է այդ բաղադրությունից ընդունել 4—5 գրամ, իսկ եթե կոլիւնջն ուժեղ լինի, ապա. «դու էօթն դրամ առ—օղնէ աստուծով» [2, էջ 149]:

Հալ ժողովրդի համար XII դարը եղել է ոչ միայն զարգացած մեղվաբուծության, այլև մեղվի ու մեղվի արտադրանքով բուժման միջոցների ստեղծման դար: Մեղվի արտադրանքով մարդիկ բուժել են բազմաթիվ հիվանդություններ և վերքեր: Մխիթար Հերացու մոտ կան հիանալի դեղատոմսեր, որոնք մինչ այսօր էլ օգտագործվում են և դրանցից շատերը հետ չեն մնում ժամանակակից դեղատոմսերից: Սկսած XII դարից՝ մեղուն ու նրա արտադրանքը մոտք են գործել հայ բժշկության մեջ և իրենց ուրույն ու հաստատուն տեղն ունեն հայ և համաշխարհային բժշկության զանձարանում: Եվ այսօր էլ, ինչպես վկայում են բազմաթիվ մասնագետներ, դժվար թե լինի որևէ հիվանդություն կամ վերք, որին ինչ—որ չափով չօգնեն մեղուն ու նրա արտադրանքը: Տասնյակ տարիների մեր պրպտումները վերը նշված դեղատոմսերում առաջարկված բույսերն ու ծաղիկները, դրանց արմատներն ու կանաչ մասսան պարզաբանելու և դրանք ժողովրդական բժշկության մեջ կիրառելու համար՝ տվել են լավ արդյունք: Այդ փորձված դեղատոմսերն այսօր էլ մենք համարձակ օգտագործում ենք որպես լավագույն դեղամիջոցներ:

Էթնոգրաֆիայի և հնադիտության
ինստիտուտ Հայկ. ՍՍՀ ԳԱ

Ստացված է 27. X. 1982

Կ Ր Ա Կ Ա Ն Ո Ւ Թ Յ Ո Ւ Ն

1. «Մովսեսի Խորենացույ Պատմութիւն Հայոց», Թիֆլիս, 1913:
2. Մխիթար Հերացի «Զերմանց Մխիթարութիւն», Վենետիկ, 1832: